

# AYIFF'18 fokus platform digital, keusahawanan sosial

**Kuala Lumpur:** Penganjuran Festival Filem Indie Belia Asia (AYIFF'18) bertempat di Universiti Utara Malaysia (UUM) yang akan diadakan pada 9 dan 10 April ini, membawa kelainan apabila memberi tumpuan kepada karya berpotensi disiarkan untuk platform digital dan menitikberatkan aspek keusahawanan sosial.

Platform digital diberi penekanan memandangkan generasi muda hari ini banyak menggunakan medium berkenaan untuk menghasilkan karya masing-masing.

Aspek keusahawanan sosial pula diterapkan kerana mahu memberi pendedahan kepada pelajar bahawa industri kreatif bukan saja laluan untuk bergelar selebriti tetapi juga mampu menjana pendapatan lumayan melalui strategi yang betul.

Naib Canselor UUM, Prof Datuk Seri Dr Mohamed Mustafa Ishak, berkata AYIFF'18 yang sudah masuk tahun ketiga penganjurannya itu bertujuan mengiktiraf bakat, memberi penghargaan terhadap hasil kerja pelajar dan penggiat seni filem serta animasi indie di benua Asia yang mengambil bahagian dalam festival berkenaan.

“Festival ini juga diharap dapat mencungkil dan mengasah kreativiti, inovasi, kemahiran teknikal serta analitikal dalam kalangan tenaga muda seterusnya meningkatkan hasil karya indie ke peringkat antarabangsa.

Selain itu, festival ini juga antara lain bertujuan menyuburkan budaya keusahawanan dalam kalangan pelajar dan penggiat indie sekali gus mempromosikan Malaysia sebagai hub pengajian



Prof Mohamed Mustafa (tengah), bersama Dr Ahmad Hisham (kiri), dan Pensyarah, Pusat Pengajian Pengurusan Industri Kreatif dan Seni Persembahan, UUM, Mohd Idzwan Yacob, menunjukkan trofi AYIFF'18.

industri kreatif yang berkualiti ke peringkat Asia dan dunia,” katanya pada sidang media AYIFF'18, di sini, semalam.

Yang turut hadir, Dekan Pusat Pengajian Pengurusan Industri Kreatif dan Seni Persembahan (SCIMPA) UUM, Dr Ahmad Hisham Zainal Abidin.

## Lapan kategori

Sebanyak 176 penyertaan diterima daripada 25 institusi dalam dan luar negara termasuk Malaysia, India, Indonesia, Filipina serta Singapura bagi

merebut anugerah untuk lapan kategori yang dipertandingkan.

Antara universiti yang mengambil bahagian ialah Universiti Teknologi MARA (UiTM), Universiti Malaysia Sabah (UMS), Universiti Malaysia Perlis (UniMAP), Universiti Malaya (UM), Universiti Malaysia Sarawak (UNIMAS), Universiti Putra Malaysia (UPM), Universiti Sains Malaysia (USM), Universiti Multimedia (MMU) dan Management & Science University (MSU).

AYIFF'18 juga akan dime-

riahkan dengan kehadiran pelakon dan artis terkenal tanah air seperti Mamat Khalid, Sabri Yunus, Pekin Ibrahim, Datuk Eizlan Yusof serta Jaclyn Victor.

Prof Mohamed Mustafa berkata, festival akan dibahagikan kepada empat program utama iaitu pertandingan dan anugerah filem indie, bengkel kreativiti serta forum industri kreatif membabitkan perkongsian bersama tokoh terkemuka dalam bidang seni.

“Antara kategori yang

## AYIFF'18

→ Turut membuka peluang kepada pelajar sekolah untuk mempertaruhkan bakat mereka melalui kategori Promising Young Minds.

\* Antara sekolah yang mengambil bahagian ialah Sekolah Menengah Kebangsaan (SMK) St George, Pulau Pinang; SMK Agama Johor Bahru; SMK Agama Baling, Kedah; SMK Tok Janggut, Kelantan dan Sekolah Rendah Azhar, Jitra, Kedah.

dipertandingkan pada malam kemuncak AYIFF'18 pula ialah Filem Cerek, Dokumentari, Animasi, Video Muzik dan Pesanan Khidmat Awam Terbaik yang menawarkan hadiah trofi, sijil serta wang tunai.

“Sebanyak 70 karya sudah disenarai pendek untuk bertanding di peringkat akhir dan akan dinilai oleh juri profesional terdiri daripada penggiat industri kreatif diketuai Ketua Juri, Datuk Ahmad Tarmimi Siregar,” katanya.